



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Martini Lvtheri Piae Ac Doctae Operationes In Dvas Psalmorvm Decades

Luther, Martin

Basileae

VD16 L 5540

Et dedisti mihi protectionem salutis tuæ, & dextera tua suscepit me. Et  
disiplina tua correxit me i[n] fine[m], & disciplina tua ipsa me docebit.

**urn:nbn:de:hbz:466:1-37005**

tem allegoriā istam ex re bellica sumptam, in qua manibus & brachijs potissimum res geritur facile intelligi, nihil aliud uelle, q̄m prædicatoribus diuinitus eruditis dari infatigabilem & inuictam uerbi docendi uirtutem ad redarguendos omnes aduersarios, sicut & Christus promisit: Ego dabo uobis os & lapidamentum, quibus non poterunt resistere & contradicere omnes aduersarij uerbi. Sic Act. vij. non poterant resistere sapientiz & spiritui, qui loquebantur. Hoc & Gamaliel Act. v. affirmabat dicens. Si opus istud ex deo est, non poteritis dissoluere.

Non poterant resistere.

Et dedisti mihi protectionem salutis tuæ, & dextera tua suscepit me.

Et disciplina tua correxit me in finē, & disciplina tua ipsa me docuit.

Nescio unde iste uenerit uersus, in hebræo pro ijs omnibus unus uersus sic habet. Et dedisti mihi, clypeum salutis tuæ, & dextera tua confortauit me, & mansuetudo tua multiplicauit me. Nihil hic de disciplina, de correctione, de fine, de doctrina dicitur, sed & ij. Reg. xxij. omittitur particula ista: Et dextera tua suscepit, Vbi uitio scriptoris legimus: Et mansuetudo mea, pro mansuetudo tua.

Salus tua, protectio mea.

Totam itaq; uictoriam, quam doctis ad prælium manibus, & zreis brachijs retulit ex aduersarijs, Ecclesia non sibi, sed pia gratitudine ei cuius est, referre acceptam, ac si dicat: Quod non succubui in prælio isto pietatis, salutaq; mihi mansuetudo tua, sed doctrina sincera fidei, fecit, quod salus tua fuit protectio mea, & fauor tuus seruauit me, atq; hoc miraculo uideo, tuam fuisse solius benignitatis, uictis aduersarijs auctum esse numerum meum.

Præliū doctrinarū ingens. Ecclesie doctrina super captum huius manum.

Quod autem grande & periculosum sit prælium istud doctrinarum, nemo nisi expertus facile credit, Paulum uidemus in Galathis & omnibus epistolis, quanto spiritu, quantaq; sollicitudine in hoc prælio sudet ipse & nos armet. Astutissimus enim est serpens antiquus & simplicium corda facillime fallit, immo quem non fallit. Accedit ad difficultatem, quod Ecclesie doctrina supra captum humanum est, quam nisi deus solus doceat, seruet, triumphet, auget, omnia alia stant a parte aduersarij, multitudo, magnitudo, uis, eloquentia, ingenia, eruditio, species, opes, ut uere sit solius protegentis dei & sustentantis dextera, ut hi seruentur, qui iam credunt, & hi aggregentur qui contradicunt. Vnde & Paulus plus orationibus agit apud deum pro Ecclesijs, ut deus custodiat fidelium corda & intelligentias ne corrumpantur sensus eorum, serpentis astutia & hominum nequitia, q̄m quod solis uerbis, licet & ipsa ex deo, tanq; arma dei habeat, præsumat. Gratia ergo est esse instructum ad præliū, sed maior gratia uincere in prælio & seruare ciues ac subiugare hostes, rem augere, non solum tueri.

Dominus uincat.

Qui ergo sumus nos, ut uel præsumamus ueritatem tueri & aduersarios superare, aut si id non præstiterimus, indignemur: Mansuetudinis diuina est seruari & augeri, non nostræ præsumptionis, ut stet gloria soli deo.

Iam quid de nostra faciemus translatione: poterit idem sensus esse, corrigi per disciplinam domini in finem, & doceri per disciplinam domini, quod est multiplicari per benignitatem dei, Sed tanta opus est ui & tortura, quibus est sensum repugnantibus uocabulis exprimamus, ut præstet profus translatio, tentos hebraico & textu & sensu,

Dilatata